



UNIVERSITÄTS-
BIBLIOTHEK
PADERBORN

Universitätsbibliothek Paderborn

Divo Dionysio Et Sociis Ejus Martyribus Hymnvs

Santeul, Jean de

[S.l.], 1670

Pro Festo Purificatae Virginis In Templo. Hymnvs.

urn:nbn:de:hbz:466:1-13456

P R O F E S T O
P U R I F I C A T Æ V I R G I N I S
I N T E M P L O

H Y M N U S.

STupete gentes ! fit Deus hostia,
Se se ipse legi Legifer obligat,
Orbis Redemptor, nunc redemptus,
Séque piat sine labe Mater.

De more matrum Virgo puerpera
Templo statutos abstinuit dies ;
Intrare quid Sanctum pavebat,
Facta Dei priùs ipsa templum ?

Arâ sub unâ se movet hostia
Triplex, honorem Virgineum litat
Virgo Sacerdos, parva nudus
Membra Puer, Seniorque vitam.

Eheu ! quot enses transadigent tuum
Pectus, quot altis nata doloribus
O Virgo ! quem gestas in ulnis
Imbuet hic sacer Agnus aram.

CHRISTUS futuro, corpus adhuc tener,
Præluit infons victima funeri,
Crescet! profuso Vir cruore
Omne scelus moriens piabit.

QUÆ pompa terris! currite Virgines
Gestate ceras, sumite lampades,
Descendit in terras Olympus,
Ipse suis Deus adstat aris.

En Virgo Mater, numine plenior,
Demissa vultus, quem peperit Deum
Gestabat Infantem, & tenellas,
Vile Dei pretium, volucres.

Rex summe divûm, magnanimo Parens
Tibi litabat, fida silentio.
Natum reposcis! cedo mater,
Hic tuus est, meus ille Natus.

Turbata templi conscia Sanctitas,
Hæsit Sacerdos territus hostiâ,
VERBUM filebat. Quot sub illâ
Alta Dei latuere pompâ?